


BOSNA I HERCEGOVINA
FEDERACIJA BOSNE I
HERCEGOVINE
UNSKO – SANSKI KANTON
Ministarstvo poljoprivrede,
vodoprivrede i šumarstva



BOSNIA AND HERZEGOVINA
FEDERATION OF BOSNIA AND
HERZEGOVINA
UNA-SANA CANTON
Ministry of Agriculture,
Water Management and Forestry

Broj: 08-02-2323-__/25
Datum: 04.12.2025. godine

VLADA UNSKO-SANSKOG KANTONA
URED ZA ZAJEDNIČKE POSLOVE

PREDMET: Objava Javnog poziva za konsultacije zainteresirane javnosti o Nacrtu Zakona o robnim rezervama Unsko-sanskog kantona, dostavlja se

U skladu sa članom 81. stav (1) tačka a) Pravila i postupaka za izradu zakona i drugih prpisa Federacije Bosne i Hercegovine („Službene novine Federacije Bosne i Hercegovine“, broj: 71/14), dostavljamo na objavu na službenoj stranici Vlade Unsko-sanskog kantona – Ministarstva poljoprivrede, vodoprivrede i šumarstva, tekst Javnog poziva za konsultacije zainteresirane javnosti o Nacrtu Zakona o robnim rezervama Unsko-sanskog kantona.

S poštovanjem;

U prilogu:

- *Tekst Javnog poziva za konsultacije,*
- *Nacrt Zakona o robnim rezervama Unsko-sanskog kantona,*
- *Obrazac za konsultacije*

Obradivač akta:
Šef Sektora za pravne i opće poslove
Renata Šmlatić, dipl.pravnik

Dostavljeno:

1. Naslovu,
2. a/a



JAVNI POZIV
za konsultacije zainteresirane javnosti
o Nacrtu Zakona o robnim rezervama Unsko-sanskog kantona

Na osnovu člana 81. stav (1) Pravila i postupaka za izradu zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj: 71/14), u proceduri donošenja Zakona o robnim rezervama Unsko-sanskog kantona, Ministarstvo poljoprivrede, vodoprivrede i šumarstva upućuje:

JAVNI POZIV

zainteresiranoj javnosti: organizacijama civilnog društva (udruženjima poslodavaca, neformalnim građanskim grupama ili inicijativama, udruženjima, fondacijama, privatnim ustanovama), predstavnicima akademske zajednice, zainteresiranim organima uprave svih nivoa vlasti u Federaciji Bosne i Hercegovine, predstavnicima zakonodavne vlasti Unsko-sanskog kantona, predstavnicima jedinica lokalne samouprave koji obavljaju javnu službu na području Unsko-sanskog kantona, zainteresiranim pravnim licima na koje može utjecati pravni propis koji se donosi, odnosno koji će biti uključeni u njegovu provedbu, uključuje u postupak konsultacija o Nacrtu Zakona o robnim rezervama Unsko-sanskog kantona, radi utvrđivanja njegovog konačnog teksta.

Molimo zainteresirane subjekte da svoje prijedloge, sugestije i komentare u pisanom i elektronskom obliku dostave Ministarstvu poljoprivrede, vodoprivrede i šumarstva na adresu: Alije Đerzeleza broj: 6, 77 000 Bihać ili na e-mail adresu: poljoprivreda@vladausk.ba najkasnije do **20.12.2025. godine**.

Ministarstvo poljoprivrede, vodoprivrede i šumarstva će sve prispjele prijedloge, sugestije i komentare razmotriti i utvrditi konačni tekst Nacrta Zakona o robnim rezervama Unsko-sanskog kantona, radi upućivanja u daljnju proceduru.

Tekst Nacrta ovog propisa i Obrazac za dostavljanje komentara i prijedloga se nalazi na web stranici Vlade Unsko-sanskog kantona, <http://www.vladausk.ba>.

Preuzimanje:

- Nacrt Zakona o robnim rezervama Unsko-sanskog kantona
- Obrazac za dostavljanje komentara i prijedloga



MINISTAR:

Mr. sci Edvin Alijanović

OBRAZAC
za dostavljanje komentara, primjedbi, prijedloga i sugestija

Upustvo za popunjavanje obrasca

U koloni **Opšta zapažanja** vezano za nacrt Zakona o robnim rezervama Unsko-sanskog kantona, molimo upišite vaša zapažanja vezana za radni materijal, koji se nalazi u procesu konsultacija i na koji vi dajete komentar. Ova zapažanja se mogu odnositi na potrebu donošenja propisa na koji dajete komentare, redosljed članova u samom tekstu propisa i njihov eventualni drugačiji raspored, izostanak nekih važnih odredbi i slično.

U koloni **Pojedinačni komentari** na članove nacrtu Zakona o robnim rezervama Unsko-sanskog kantona, molimo upišite na koji konkretno član i stav se vaši komentari odnose. U okviru toga, molimo da za svaki taj član ili stav date komentar, obrazloženje, odnosno razlog zbog čega smatrate da ponuđeno rješenje nije odgovarajuće, te eventualno koje su posljedice usljed usvajanja ponuđenog teksta propisa. Također molimo da u okvir prijedloga izmjene navedenog člana ili stava ponudite tekst tog člana ili stava, onako kako smatrate da isti treba glasiti.

Molimo zainteresirane subjekte da svoje inicijative, prijedloge, sugestije i komentare, u pisanom obliku, dostave Ministarstvu poljoprivrede, vodoprivrede i šumarstva na adresu: Alije Đerzeleza 6, 77000 Bihać ili na e-mail adresu: poljoprivreda@vladausk.ba do 15.01.2024.godine.

Ime i prezime		
Naziv organizacije civilnog društva, predstavnici akademske zajednice, zainteresirani organi uprave svih nivoa vlasti u FBiH, predstavnici zakonodavne vlasti, predstavnici jedinica lokalne samouprave koje obavljaju javnu službu, zainteresirana pravna lica.		
Kontakt		
Opšta zapažanja o nacrtu Zakona o robnim rezervama USK		
Pojedinačni komentari na članove nacrtu Zakona o robnim rezervama USK		
Član stav	Komentar	
	Obrazloženje	
	Prijedlog izmjene teksta spomenutog člana	
Član stav	Komentar	
	Obrazloženje	

OBRAZAC
za dostavljanje komentara, primjedbi, prijedloga i sugestija

		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
		Komentar	

OBRAZAC
za dostavljanje komentara, primjedbi, prijedloga i sugestija

Član	stav	Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	
Član	stav	Komentar	
		Obrazloženje	
		Prijedlog izmjene teksta spomenutog člana	

OBRAZAC
za dostavljanje komentara, primjedbi, prijedloga i sugestija

Dodatni komentari/sugestije/primjedbe

.....

.....

.....

.....

.....

.....

Mjesto:

Datum:

Pečat i potpis

Na osnovu člana 11. b) odjeljak A poglavlje V. Ustava Unsko-sanskog kantona, na prijedlog Vlade Unsko-sanskog kantona, Skupština Unsko-sanskog kantona na ____ sjednici održanoj dana ____ . ____ . ____ . godine, d o n o s i

NACRT

ZAKON
O ROBNIM REZERVAMA UNSKO-SANSKOG KANTONA

I. OPĆE ODREDBE

Član 1.
(Predmet)

Ovim Zakonom uređuju se opće odredbe, struktura, formiranje i obnavljanje robnih rezervi, korištenje, skladištenje i čuvanje robnih rezervi, tajnost podataka, finansiranje, nabavka, prodaja i upravljanje robnim rezervama, poslovanje robnim rezervama, razvojno planiranje, mreža volontera, nadzor i kaznene odredbe, prelazne i završne odredbe i druga pitanja vezana za poslovanje robnim rezervama (u daljnjem tekstu: robne rezerve) na području Unsko-sanskog kantona (u daljnjem tekstu: Kanton).

Član 2.
(Gramatička terminologija)

Izrazi koji su radi preglednosti dati isključivo u jednom gramatičkom rodu u ovom Zakonu bez diskriminacije se odnose i na muškarce i na žene.

Član 3.
(Pojam robnih rezervi)

Robnim rezervama, u smislu odredaba ovog Zakona, smatraju se zalihe osnovnih roba i proizvoda, kao i novčana sredstva, koja obezbjeđuje Kanton i pojedina javna preduzeća, odnosno privredna društva, u cilju održavanja neophodnog nivoa snabdjevenosti i stabilnosti na domaćem tržištu.

Član 4.
(Značaj poslova)

Obavljanje poslova u vezi sa robnim rezervama je od posebnog interesa za Kanton.

Član 5.
(Primjena Zakona)

- (1) Odredbe ovog Zakona se primjenjuju i na robne rezerve određenih javnih preduzeća, odnosno privrednih društava na području Kantona.
- (2) Vlada Unsko-sanskog kantona (u daljnjem tekstu: Vlada Kantona), na prijedlog Direkcije za robne rezerve, posebnim aktom utvrđuje koja su javna preduzeća, odnosno privredna društva, čije je poslovanje od posebnog interesa za Kanton, obavezna da formiraju, odnosno da učestvuju u formiranju robnih rezervi.
- (3) Jedinice lokalne samouprave na području Kantona mogu, zavisno od svojih potreba i mogućnosti, formirati robne rezerve.

II. STRUKTURA, FORMIRANJE I OBNAVLJANJE ROBNIH REZERVE

Član 6.

(Kantonalne robne rezerve)

- (1) Kantonalne robne rezerve čine:
 - a) poljoprivredni i prehrambeni proizvodi;
 - b) neprehrambeni proizvodi;
 - c) lijekovi, cjepiva, protuotrovi, medicinski proizvodi, medicinski materijal i zaštitna oprema,
 - d) asanaciona sredstva.
- (2) Robne rezerve čine i novčana sredstva, u domaćoj i stranoj valuti, kao i hartije od vrijednosti, koje treba da obezbijedi Kanton, gradovi i općine na području Kantona i preduzeća od interesa za proizvodnju, nabavku i distribuciju roba.
- (3) Popis robnih rezervi iz stava (1) ovog člana nalazi se u prilogu ovog Zakona i predstavlja njegov sastavni dio (Prilog 1.).

Član 7.

(Planiranje robnih rezervi)

- (1) Planiranje robnih rezervi vrši se na osnovu srednjoročnih i godišnjih planova.
- (2) Srednjoročni plan donosi se na period od tri godine.
- (3) Vlada Kantona donosi planove robnih rezervi iz stava (1) ovog člana na osnovu prijedloga Direkcije za robne rezerve, koji je prethodno usaglašen sa odgovarajućim resornim kantonalnim organima i drugim organima, institucijama i subjektima iz člana 5. stav (2) ovog Zakona.
- (4) Planom robnih rezervi određuje se struktura, količina, formiranje, korištenje i teritorijalni razmještaj robnih rezervi.

Član 8.

(Formiranje robnih rezervi)

- (1) Robne rezerve se formiraju na osnovu plana nabavke, proizvodnje i otkupa tržišnih viškova, a iskazuju se naturalno i novčano.
- (2) Plan iz stava (1) ovog člana, koji mora biti usaglašen sa planom iz člana 7. ovog Zakona, donosi Vlada Kantona na prijedlog Direkcije za robne rezerve.
- (3) Robne rezerve se formiraju kupovinom robe iz domaće proizvodnje, ugovaranjem proizvodnje pojedinih proizvoda i usluga, otkupom tržišnih viškova poljoprivrednih proizvoda, deponovanjem novca i na druge načine.
- (4) U slučaju da na tržištu nema dovoljno domaće robe odgovarajućeg kvaliteta i uz odgovarajuće uslove ili ako se roba ne proizvodi u zemlji, robne rezerve će se formirati kupovinom te robe iz inostrane proizvodnje.
- (5) Izuzetno, robne rezerve se mogu formirati kupovinom robe iz uvoza, ako je cijena robe domaćih proizvođača kalkulatивно veća za 15% od cijene robe iz uvoza.

Član 9.

(Kupovina robe za robne rezerve)

- (1) Kupovina robe po pravilu se vrši u skladu sa Zakonom o javnim nabavkama.
- (2) O kupovini roba u skladu sa planom robnih rezervi iz člana 7. i 8. ovog Zakona odlučuje direktor Direkcije za robne rezerve.

Član 10.
(Prodaja robe iz robnih rezervi)

- (1) Prodaja robe iz robnih rezervi može se vršiti radi:
 - a) obnavljanja robnih rezervi i to prije isteka roka upotrebe raspoloživih roba, odnosno prije isteka roka određenog članom 11. stav (1) ovog Zakona,
 - b) intervencije na tržištu i
 - c) prodaje viškova otkupljenih proizvoda iznad utvrđenog obima potrebnog za robne rezerve.
- (2) Uslove prodaje roba iz robnih rezervi utvrđuje Vlada Kantona na prijedlog Direkcije za robne rezerve, a eventualne negativne razlike između prodajne i nabavne cijene pokrивaju se iz budžeta Kantona.

Član 11.
(Obnavljanje robnih rezervi)

- (1) Poljoprivredni i prehrambeni proizvodi, lijekovi, vakcine, serumi i ostale robe, zavisno od vrste i prirode robe i njenog vijeka trajanja, obnavljaju se nakon isteka polovine vremena određenog za upotrebu, koju je odredio proizvođač te robe.
- (2) Poslovni subjekti koji u svojim skladišnim kapacitetima čuvaju robe Direkcije za robne rezerve, a u skladu sa ugovorima koje su potpisali sa Direkcijom za robne rezerve, dužni su se strogo držati rokova obnavljanja roba koje se nalaze u njihovim skladištima.

III. KORIŠTENJE, SKLADIŠTENJE I ČUVANJE ROBNIH REZERV I

Član 12.
(Korištenje robnih rezervi)

- (1) Robne rezerve mogu se koristiti za obezbjeđenje snabdjevenosti i stabilnosti tržišta u slučaju:
 - a) obezbjeđenja minimalnih potreba stanovništva u uslovima proglašenja ratnog stanja, proglašenja neposredne ratne opasnosti i proglašenja vanrednog stanja;
 - b) nastupanja vanrednih situacija - proglašenja elementarnih prirodnih nepogoda, tehničko-tehnoloških nesreća, prirodnih i drugih katastrofa i drugih većih nesreća i nepogoda zbog kojih nastupa nestabilno osnovno snabdjevanje ili može da nastupi potpuni prekid u osnovnom snabdjevanju, kao i drugih intervencija u datim vanrednim okolnostima;
 - c) intervencije na tržištu u uslovima poremećaja cijena i snabdjevenosti stanovništva i privrede.
- (2) Odluku o korištenju robnih rezervi u slučajevima iz stava (1) ovog člana donosi Vlada Kantona na prijedlog Direkcije za robne rezerve.
- (3) Izuzetno, roba iz robnih rezervi u ispravnom i upotrebljivom stanju, može se bez naknade ustupiti kao pomoć određenim kantonalnim organima, upravnim organizacijama i javnim ustanovama, kao i humanitarnim organizacijama ili pojedinim kategorijama socijalno ugroženih građana sa prebivalištem na području Kantona.
- (4) Uslovi, količina i način dodjele pomoći iz stava (3) ovog člana regulišu se podzakonskim aktom koji donosi Vlada Kantona na prijedlog Direkcije za robne rezerve.

Član 13.

(Skladištenje i čuvanje robnih rezervi)

- (1) U cilju smještaja i čuvanja robnih rezervi obezbjeđuje se skladišni i drugi prostor izgradnjom, dogovorom o zajedničkim ulaganjima, kupovinom i zakupom skladišnog prostora.
- (2) Direkcija za robne rezerve je dužna da prilikom skladištenja robnih rezervi vodi računa o njihovom ravnomjernom razmještanju na teritoriji Kantona, imajući u vidu potrebe stanovništva u slučajevima korištenja tih rezervi.

Član 14.

(Skladišni i drugi prostor za skladištenje i čuvanje)

- (1) Vlada Kantona može poslovne prostore poslovnih subjekata čija je vlasnička struktura u cijelosti ili djelimično državni kapital, trajno staviti u funkciju skladištenja robnih rezervi.
- (2) Izuzetno od stava (1) ovog člana, Vlada Kantona na prijedlog Direkcije za robne rezerve, može poslovne prostore u privatnom vlasništvu registrovanih poslovnih subjekata, privremeno staviti u funkciju skladištenja robnih rezervi uz naknadu, ako ocijeni da je to u skladu sa općim interesom Kantona i pozitivnim zakonskim propisima.

Član 15.

(Ugovor o zakupu skladišnog prostora)

- (1) Na osnovu plana robnih rezervi iz člana 7. ovog Zakona, Direkcija za robne rezerve po potrebi zaključuje ugovor o zakupu odgovarajućeg skladišnog prostora, pri čemu moraju biti ispunjeni svi uslovi propisani ovim Zakonom te na jasan i nedvosmislen način utvrđene sve obaveze skladištara u postupanju sa uskladištenom robom.
- (2) Ugovor iz stava (1) ovog člana, uz prethodno pribavljenu saglasnost Vlade Kantona, potpisuje direktor Direkcije za robne rezerve.

Član 16.

(Uslovi za skladištenje robnih rezervi)

- (1) Direkcija za robne rezerve može vršiti skladištenje roba robnih rezervi samo u skladišnim prostorima koji ispunjavaju potrebne higijensko-tehničke, zdravstvene i mikroklimatske uslove za skladištenje pojedinih vrsta roba, a kojima se omogućava da se, do isteka roka trajanja, u najvećoj mogućoj mjeri sačuva kvalitet i ispravnost uskladištene robe.
- (2) Pored uslova iz stava (1) ovog člana, za skladištenje roba u skladištu privrednog društva, odnosno drugog pravnog lica potrebno je da ti pravni subjekti pozitivno posluju i da nemaju neizmirenih obaveza po osnovu poreza i doprinosa te da imaju određeni broj zaposlenika za odgovarajuće postupanje sa uskladištenom robom.
- (3) Za skladištenje robnih rezervi kod fizičkog lica moraju biti ispunjeni uslovi iz stava (1) ovog člana i osigurano odgovarajuće postupanje sa uskladištenom robom.

Član 17.

(Obaveze skladištara)

- (1) Privredno društvo i drugo pravno, odnosno fizičko lice kome je ugovorom povjereno skladištenje robnih rezervi (u daljnjem tekstu: skladištar), obavezno je da održava

potrebni nivo uslova iz člana 16. stav (1) ovog Zakona te da preduzima sve druge radnje i mjere kojima se osigurava održavanje određenih vrsta roba u ispravnom stanju, pravilno rukovanje, fizička zaštita i tajnost podataka o uskladištenoj robi.

- (2) Skladištar ne može bez prethodne izmjene ugovora koristiti, staviti u promet, otuđiti, promijeniti namjenu, preskladištiti, odnosno raspolagati robom koja mu je povjerena na čuvanje i skladištenje.

Član 18.

(Odgovornost skladištara)

- (1) Odgovornost skladištara za uskladištenu robu je objektivna u skladu sa važećim odredbama Zakona o obligacionim odnosima i obuhvata sve promjene nastale u kvaliteti i količini (gubitak, manjak i druge štete).
- (2) Skladištar je naročito dužan da uskladištenu robu čuva s pažnjom dobrog privrednika, nadgleda je, kao i da po pravilima struke preduzima mjere za očuvanje kvaliteta i količine, uključujući i obnavljanje robe.
- (3) Skladištar je obavezan odmah obavijestiti Direkciju za robne rezerve o eventualnom otuđenju, oštećenju ili uništenju, kao i o promjenama u fizičkom ili hemijskom svojstvu robe, a najkasnije u roku od 24 sata od nastanka tih okolnosti.

Član 19.

(Propisivanje normativa i evidencija o robi)

- (1) Uslove skladištenja robnih rezervi, kao i normative kala, kvara, rastura i loma robe, propisuje Vlada Kantona na usaglašen prijedlog Direkcije za robne rezerve i odgovarajućeg nadležnog kantonalnog ministarstva.
- (2) Subjekti kojima je roba povjerena na skladištenje i čuvanje dužni su o toj robi voditi evidenciju u skladu sa propisom koji donosi Vlada Kantona na prijedlog Direkcije za robne rezerve.
- (3) Direkcija za robne rezerve je dužna vršiti redovnu kontrolu uskladištenih roba kod skladištara najmanje jednom u šest mjeseci, a po potrebi i češće.

Član 20.

(Osiguranje robnih rezervi)

Poslovni subjekti sa kojima je ugovoreno skladištenje roba iz robnih rezervi, dužni su robu osigurati kod nadležnih osiguravajućih poslovnih subjekata, uključujući osnovne i dopunske rizike, a u slučaju uništenja, otuđenja ili korištenja robe suprotno odredbama zaključenih ugovora, odmah nadoknaditi štetu Direkciji za robne rezerve u ukupnim kvantitativnim i kvalitativnim količinama ili odmah isplatiti nastalu štetu, na način propisan zakonom i ugovorom.

IV. TAJNOST PODATAKA

Član 21.

(Tajnost podataka poslovanja robnih rezervi)

- (1) Direkcija za robne rezerve posluje robnim rezervama na transparentan način, osim u slučaju podataka koji su zaštićeni u skladu sa propisima kojima se reguliše zaštita tajnih podataka.

- (2) Cjelokupna struktura robnih rezervi, sveukupne količine robnih rezervi, sveukupna vrijednost robnih rezervi, skladištenje i zadržavanje robnih rezervi, kao i teritorijalni razmještaj robnih rezervi smatra se tajnim podatkom.
- (3) Ugovori koji sadrže tajne podatke iz stava (2) ovog člana smatraju se državnim tajnom u kontekstu propisa iz oblasti javnih nabavki.
- (4) Dokumenti iz stava (2) ovog člana bit će zaštićeni u skladu sa propisima kojima se reguliše zaštita tajnih podataka sa jednim od stepena tajnosti.
- (5) Direktor Direkcije za robne rezerve propisuje stepen tajnosti podataka u skladu sa propisima kojima se reguliše zaštita tajnih podataka.

V. FINANSIRANJE, NABAVKA, PRODAJA I UPRAVLJANJE ROBNIM REZERVAMA

Član 22.

(Finansiranje robnih rezervi)

- (1) Sredstva za finansiranje robnih rezervi, kao i za rad Direkcije za robne rezerve obezbjeđuju se iz sljedećih izvora:
 - a) budžeta,
 - b) donacija u robi i novcu,
 - c) sredstava ostvarenih prodajom robe,
 - d) vlastitih prihoda i
 - e) drugih izvora u skladu sa propisima (kreditna sredstva, zaplijenjena roba, novac i sl.).
- (2) Finansijska sredstva ostvarena prodajom javni su prihod budžeta Kantona i uplaćuju se na propisani račun javnih prihoda budžeta Kantona.

VI. POSLOVANJE ROBNIM REZERVAMA

Član 23.

(Obavljanje poslova u vezi sa robnim rezervama)

- (1) Poslove u vezi sa robnim rezervama obavlja Direkcija za robne rezerve, kao samostalna kantonalna upravna organizacija sa svojstvom pravnog lica.
- (2) Direkcija za robne rezerve ima pečat u skladu sa Zakonom o pečatu Unsko-sanskog kantona.
- (3) Sjedište Direkcije za robne rezerve je u Bihaću.

Član 24.

(Direkcija za robne rezerve)

- (1) Direkcijom za robne rezerve rukovodi direktor kojeg imenuje Vlada Kantona u skladu sa Zakonom o državnoj službi u Unsko-sanskom kantonu („Službeni glasnik Unsko-sanskog kantona”, broj: 14/17 i 15/20) i drugim propisima koji uređuju ovu oblast.
- (2) Direktor Direkcije za robne rezerve ima status rukovodioca upravne organizacije u smislu člana 13. Zakona o državnoj službi u Unsko-sanskom kantonu („Službeni glasnik Unsko-sanskog kantona”, broj: 14/17 i 15/20).
- (3) Direktor zastupa i predstavlja Direkciju za robne rezerve, zaključuje ugovore o poslovanju robnim rezervama, raspolaže sredstvima za robne rezerve uz saglasnost Vlade Kantona i odgovoran je za zakonit rad Direkcije za robne rezerve.

- (4) Pored ovlaštenja i obaveza iz stavova (2) i (3) ovog člana, direktor je naročito dužan da:
- a) organizira i osigurava zakonito, blagovremeno i efikasno obavljanje svih poslova i zadataka iz nadležnosti Direkcije za robne rezerve i
 - b) donosi podzakonske propise i druge opće i pojedinačne akte za koje je zakonom ovlašten i poduzima druge mjere za vršenje poslova iz nadležnosti Direkcije za robne rezerve.
- (5) Direktor za svoj rad odgovara Vladi Kantona.
- (6) Kontrolu poslovanja Direkcije vrše ovlašteni državni organi, a izvještaje o kontroli poslovanja Direkcije razmatra Vlada Kantona.

Član 25.
(Ovlaštena osoba)

Do imenovanja direktora Direkcije, ovlaštenu osobu za rukovođenje istom imenovat će Vlada Kantona.

Član 26.
(Unutrašnja organizacija)

Unutrašnja organizacija Direkcije za robne rezerve utvrđuje se pravilnikom, koji donosi direktor uz saglasnost Vlade Kantona.

VII. RAZVOJNO PLANIRANJE

Član 27.
(Trogodišnji i godišnji plan rada i izvještaj o radu)

Trogodišnji i godišnji plan rada i izvještaj o radu Direkcije za robne rezerve izrađuje se na način i u rokovima definisanim Zakonom o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17) i podzakonskim aktima donesenim na osnovu istog.

VIII. MREŽA VOLONTERA

Član 28.
(Osnivanje mreže volontera)

Direkcija za robne rezerve će za potrebe djelovanja u vanrednim situacijama osnovati mrežu volontera Direkcija za robne rezerve.

Član 29.
(Sredstva za opremanje i finansiranje volontera)

Direkcija za robne rezerve će osigurati sredstva za opremanje i finansiranje mreže volontera u vanrednim situacijama.

Član 30.
(Rad mreže volontera)

Rad mreže volontera Direkcija za robne rezerve će biti definisan posebnim propisom koji će donijeti Direkcija za robne rezerve.

IX. NADZOR I KAZNENE ODREDBE

Član 31.
(Nadzor)

- (1) Nadzor nad primjenom odredbi ovog zakona i drugih propisa donesenih na osnovu ovog zakona vrši Direkcija za robne rezerve.
- (2) Inspekcijski nadzor vrši Kantonalna uprava za inspekcijske poslove.

Član 32.
(Prekršaji i prekršajne kazne)

- (1) Novčanom kaznom u iznosu od 3.000 KM do 15.000 KM kaznit će se za prekršaj privredno društvo ili drugo pravno lice kao skladištar ako postupi suprotno odredbama člana 16. stav (1).
- (2) Za prekršaj iz stava (1) ovog člana kaznit će se i odgovorna osoba u privrednom društvu ili drugom pravnom licu novčanom kaznom u iznosu od 300 KM do 1.500 KM.
- (3) Za prekršaj iz stava (1) ovog člana kaznit će se fizičko lice kao skladištar novčanom kaznom u iznosu od 500 KM do 2.500 KM.
- (4) Novčanom kaznom u iznosu od 2.000 KM do 10.000 KM kaznit će se za prekršaj privredno društvo ili drugo pravno lice kao skladištar ako postupi suprotno odredbama člana 17. stav (1).
- (5) Za prekršaj iz stava (4) ovog člana kaznit će se i odgovorna osoba u privrednom društvu ili drugom pravnom licu novčanom kaznom u iznosu od 200 KM do 1.000 KM.
- (6) Za prekršaj iz stava (4) ovog člana kaznit će se fizičko lice kao skladištar novčanom kaznom u iznosu od 300 KM do 1.500 KM.
- (7) Novčanom kaznom u iznosu od 1.000 KM do 5.000 KM kaznit će se za prekršaj privredno društvo ili drugo pravno lice kao skladištar ako ne postupi u skladu sa odredbom člana 18. stav (2).
- (8) Za prekršaj iz stava (7) ovog člana kaznit će se i odgovorna osoba u privrednom društvu ili drugom pravnom licu novčanom kaznom u iznosu od 100 KM do 500 KM.
- (9) Za prekršaj iz stava (7) ovog člana kaznit će se fizičko lice kao skladištar novčanom kaznom u iznosu od 200 KM do 1.000 KM.
- (10) Novčanom kaznom u iznosu od 500 KM do 2.500 KM kaznit će se za prekršaj privredno društvo ili drugo pravno lice kao skladištar ako ne postupi u skladu sa odredbom člana 18. stav (3).
- (11) Za prekršaj iz stava (10) ovog člana kaznit će se i odgovorna osoba u privrednom društvu ili drugom pravnom licu novčanom kaznom u iznosu od 50 KM do 250 KM.
- (12) Za prekršaj iz stava (10) ovog člana kaznit će se fizičko lice kao skladištar novčanom kaznom u iznosu od 100 KM do 500 KM.

- (13) Novčanom kaznom u iznosu od 500 KM do 2.500 KM kaznit će se za prekršaj privredno društvo ili drugo pravno lice kao skladištar ako ne postupi u skladu sa odredbom člana 19. stav (2).
- (14) Za prekršaj iz stava (13) ovog člana kaznit će se i odgovorna osoba u privrednom društvu ili drugom pravnom licu novčanom kaznom u iznosu od 50 KM do 250 KM.
- (15) Za prekršaj iz stava (13) ovog člana kaznit će se fizičko lice kao skladištar novčanom kaznom u iznosu od 100 KM do 500 KM.

X. PRIJELAZNE I ZAVRŠNE ODREDBE

Član 33. (Preuzimanje)

- (1) Vlada Kantona imenovat će Komisiju za popis imovine, obaveza i potraživanja koje se odnose na robne rezerve.
- (2) Komisija iz stava (1) ovog člana u obavezi je Vladi Kantona dostaviti izvještaj o izvršenom popisu u roku od 15 dana od dana imenovanja.

Član 34. (Prestanak važenja ranijeg propisa)

Danom stupanja na snagu ovog Zakona prestaje da važi Zakon o robnim rezervama Unsko-sanskog kantona („Službeni glasnik Unsko-sanskog kantona“, broj 5/97).

Član 35. (Stupanje na snagu)

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“.

PREDSJEDAVAJUĆI SKUPŠTINE

POPIS ROBNIH REZERV

POLJOPRIVREDNI I PREHRAMBENI PROIZVODI
Pšenica
Grah
Germa
Ostale mahunarke
Riža
Tjestenina
Kukuruz
Brašno
Geršlo
Rezerve mesa u živoj stoci
Sušeno meso
Mesne konzerve
Riblje konzerve
Mlijeko u prahu
Mlijeko trajno
Sirevi
Biljna mast
Masti životinjskog porijekla
Suncokretovo ulje
Šećer
Med
Kuhinjska sol
Začin za jelo
Biber
Mljevena paprika
Voćna marmelada
Sušeno voće
Sušeno povrće
Konzervirano voće
Konzervirano povrće
Adaptirano mlijeko u prahu
Dječija hrana slana
Dječija hrana voćna
Keks
Eurokrem
Voda
Kafa, čaj i sokovi
Orašasti plodovi, sjemenke, pahuljice
Cjelodnevni suhi obrok
Supe koncentrat
Jaja u prahu

NEPREHRAMBENI PROIZVODI
Eurodizel-Diesel gorivo
Motorni benzin BMB 95
Lož ulje
Mazut
Petrolej
Antifriz
Betonsko željezo - rebrasto i glatko
Cement
Ciglarski proizvodi
LIJEKOVI, CJEPIVA, PROTUOTROVI, MEDICINSKI PROIZVODI, MEDICINSKI MATERIJAL I ZAŠTITNA OPREMA
Lijekovi
Medicinska sredstva
Sanitetski materijal
Sterilni setovi prve pomoći za domaćinstvo
Deterdžent za rublje
Deterdžent za suđe
Pasta za zube
Četkica za zube
Sapun
Toalet papir
Papirnati ručnici
Higijenski ulošci
Vlažne maramice
Pelene dječije
Pelene za inkontinenciju
Sredstva za čišćenje i solna kiselina
Sve vrste HTZ opreme
Plastične folije
Plastične cijevi za vodovod, kanalizaciju i plinovod
Soran
Roto-papir
Karton
Kartonska ljepenka
Akumulatori
Elektrolit
Razne vrste vozila
Agregati za struju
Pumpe za vodu
Potopne pumpe
Šatori
Vreće za spavanje
Vreće za mrtvace
Poljski ležajevi
Jastuci
Jastučnice
Deke

Plahte
Spremnici za vodu
Sanitarna oprema
Ogrjevni materijali
Oprema za zbrinjavanje otpada
Komplet za jelo i piće (PVC)
Plinska svjetiljka s bocom
Svjetiljka aku lampa
Svijeće
Šibice
Krema za obuću
SREDSTVA ZA ASANACIJU
Sredstva za dezinfekciju vode i prostora
Sredstva za dezinsekciju
Sredstva za deratizaciju